

## Beerpiëp Trio op 2de plek in Tegelse Top 33

Met eur liedje "t is Vastelaovend' zien Beerpiëpprins Danny I en zien adjudante John en Mark verrassend as twiëde ge-eindig in de Top 33 van Tegele, dae zaoterdig 16 fibberwari door De 3-kes wuürt oétgezónde op 't eige radiosjtasjon.

Op nummer éin sjteit 'Ich bön in Tegele gebaore' van Wim Beurskens zaliger. Hae sjreef en zóng deze evergreen in 1983. Ziene hit is vur vuúl Tegelenaere nag altiéd út liéflied van vastelaovend.

As derde eindigde Zanggroep De Vlaegels met 't tradisjonele 'En as weej wir nao Tegele gaon' oét 1982. De veerde plaats vur 'De luchtepaol' is ein postuum iérbetoën aan Toën Schalks. De jubilerende vrindegroep Wie Laater Wie Zaater, dae elf jaar besjteit, mak de top 5 compleet met 'Weej make 't weer bónk'.

Leefhebbers van 't vastelaoveslied kóste keeze uit 220 Tegelse nummers. Volges De 3-kes is d'r massaal gesjtump, net wie vurrige waek in Bliërick. De 33 liedjes met de meiste sjtumme waere in een live oétzending gedreijd op 16 fibberwari. De Tegelse liés is te beloésterre tösse 9.00 en 12.30 oor. Ein compleet euverzich sjteit op [www.de3kesradio.nl](http://www.de3kesradio.nl) en de app.